

葉天士萬應奇效祕方一千五百種

(第四冊)



外科門

疔瘡類

(病因說明) 疔瘡者以其瘡形如丁蓋之狀而得名皆生頭

面四肢發黃泡中或紫黑必先癢後痛先寒後

熱凡人一二日間惡寒發熱四肢沉重心悸眼

花頭疼體痛稍異平常之症須宜扁身尋認如

有小瘡與常患之瘡稍異卽是疔也大抵起紫

泡者多起堆核者少發於手足上者多發於別

處者少生兩足者多有紅絲之臍生兩手者多



有紅絲至腋生唇面口內者多有紅絲入喉以  
針刺之不痛無血者是其候也大抵多由嗜厚  
味卒中飲食之毒或感四時不正之氣及蚊蟲  
刺咬皆生疔瘡

疔毒通治神效方

蟾酥二錢(乾者酒化) 血竭一錢 乳香二錢 沒藥二  
錢 雄黃二錢 輕粉五分 膽礬一錢 麝香五分 銅  
綠二錢 寒水石一錢 海羊(卽蝸牛是也)二十個 天  
龍(卽蜈蚣是也)一條酒炙黃去頭足 硃砂二錢爲衣



右爲細末先將海羊連殼研爲泥和前藥爲丸如菉豆大如丸不就入酒打麵糊爲丸每服二丸先用葱白三寸令病人嚼爛吐於手心男左女右將藥丸裹在葱白內用無灰熱酒三四杯送下於避風處以衣被覆之約人行五里之久再用熱酒數杯以助藥力發出大汗爲度初起者服二丸卽消如不出汗重者再服二丸汗出卽效三五日病重者再進二丸卽愈如疔瘡走黃過心者難治汗出冷者亦死矣如病人不能嚼葱搗碎裹藥在內熱酒送下瘡上食後服在下食前服服後忌冰水黃瓜茄子豬肉雞魚溼麵一切發風發瘡毒物

又忌婦人洗換狐臭觸之必復發此藥活人多矣 按疔毒  
切忌用風氣藥發散藥蓋疔毒散則死聚則生腐則生不腐  
則死凡疔毒發於頭面者切不可用冷藥敷之逼熱毒於喉  
間則不能生矣

又方 用家園菊花搗爛取汁一碗服下卽愈無花根葉搗汁  
亦可有此方諸方可廢

### 螺疔通治祕方

螺疔生於手指之間受害無窮小則多延時日大則手腕麻  
木不仁用大葉榔雞（卽甬地野紫之根）與馬齒莧之莖加

酒釀搗爛敷之立見奇效

又方 馬蹄草 大青葉 臭紫草 各等分搗爛以酒一碗

浸之去渣溫服三服立愈

治紅絲疔祕方

手足間有黃泡卽起紅絲一條走入心腹令人悶亂而不救  
急用銀針於紅絲所到之處刺之擠出惡血再細嚼浮萍草  
根敷之立愈

又方 用家園菊花葉冬月無葉取根加雄黃錢許蜒蚰不條  
共搗極爛從疔頭敷至絲盡處爲止用絹頭裹緊隔宿卽消



神效

治羊毛疔神效方

初起頭痛身發寒熱前心坎後背心有紅點如疹子形先用  
針挑破取出羊毛再用雄黃末三錢青布包緊蘸熱酒於前  
心坎瘡上一二寸外四圍團團擦之漸漸擦出瘡眼其毛卽  
奔至後背心亦照前法擦之其羊毛俱拔於布上卽埋入土  
中內用紫花地丁一兩白礬甘草各三錢銀花三兩煎服

治面上生疔腫大祕方

用活蝦蟆一隻將小刀劃開胸前露出肝來取下貼在疔上

卽愈神效之至

治唇上生疔妙方

在大腿彎中紫筋上用銀針刺出血來卽愈此處名委中穴

拔疔祕方

荔枝肉二個 吸鐵石一分 雄黃三分 共搗分作三餅

分三次敷之其疔自落

又方 雄黃三分 蟾酥三分 白丁香三分 無名異五分

紫草油三分 珍珠三分 以前五味先研末再同紫草油

研勻瓷缸收貯凡用時將銀簪向疔旁挑破納藥粟許用黑

膏藥掩貼次日亦爲之二三日其疔隨膏藥揭起神妙

又方 巴豆一粒去皮膜 硃砂一分 共研勻 將疔挑破

去血用藥少許搽入黑膏藥蓋之凡挑疔有血者吉無血者

不治

### 治蛇頭疔祕方

此疔生於指頭先用大蒜葉圍於患處多圍數層次用豬膽

一個將膽頭剪破倒出汁一半另放又將明雄黃研末傾入

膽內套於患疔指頭上紮定如乾卽將傾出之汁滋潤之套

二三個無有不愈



又方 採真黃藤根用口嚼爛敷之一二次卽愈或搗融唾液調敷亦可

治蜂疔奇效方

有一樵夫遇黃蜂傷頭腫大如斗暈脹欲死路旁丐婦教以採號桐梗水汁擦塗立卽消腫後經屢試皆神效冬日無梗採根搗汁搽之亦效

又方 豆豉葉嚼爛敷或淡親家母根搗爛塗之立效

新編詩書卷之末段

詩經詩經本古詩經立明節制於詩經此詩經也冬日遊郊  
再一語夫詩經神於禮制大似乎禮經也詩經文詞雅潔  
出於性情發於自然出於詩經也詩經也詩經也詩經也  
詩經本古詩經立明節制於詩經此詩經也冬日遊郊  
再一語夫詩經神於禮制大似乎禮經也詩經文詞雅潔  
出於性情發於自然出於詩經也詩經也詩經也詩經也  
詩經本古詩經立明節制於詩經此詩經也冬日遊郊  
再一語夫詩經神於禮制大似乎禮經也詩經文詞雅潔  
出於性情發於自然出於詩經也詩經也詩經也詩經也

外科門

癰疽類

(病因說明) 癰者壅也毒騰於外屬六府其發暴而所患浮  
淺因病源稟於陽穴中陽氣輕清浮而高起故  
易腫易膿易腐易斂誠爲不傷筋骨易治之證  
也疽者阻也毒攻於內屬五臟其發緩而所患  
深沉因病源稟於陰分中陰血重濁性質多沉  
故爲傷筋食骨難治之症也凡年壯氣血勝毒  
則順年老毒勝血氣則險



癰疽通治立愈方

癩蝦蟆一隻同老鴉眼睛草莖葉搗爛敷之卽散神效

又方 新掘大門冬三五兩洗淨沙盆搗細以好酒濾汁頓服  
未效再服必愈

又方 不問發於何處用木蓮四十九個揩去毛研細解開溫  
服神效

又方 赤小豆研爛苦酒調敷患處卽消驗之屢矣

癰疽潰爛收口妙方

癰疽潰爛者桐葉醋蒸貼之退熱止痛漸漸生肉收口極驗

祕方也

治發背萬應祕方

發背及癰疽諸藥不效者敷此立效用  
雞蛋一個  
新狗糞一鷄蛋大  
共和勻微火熬之令稀稠得所作餅敷瘡上  
貼之以帛包好時看之餅熱換之勿歇三日連敷卽愈此方  
不可亂傳慎勿輕如弁髦也

又方  
矮烏泡刺取葉洗淨搗爛和糯米粉爲糊研勻作餅敷  
之若有醋更好

治螺螄發奇驗方

取牛螺頭一二個瓦上焙乾研末用過燈茶油調搽數次卽愈或取鴨嘴瓦上焙乾研末茶油調搽甚效

治對口發初起驗方

凡對口發初起不論左右卽用大蓆火灸患處逢中灸之其響如報竹聲卽驗也

治脫骨疽神效方

此症發於脚趾漸上至膝色黑肉痛不可忍逐節脫落而死亦有發於手者土蜂窩研細醋調搽應手而愈真神方也





服消風散 羌活一錢半 北風二錢 白芷錢半 荊芥

穗一錢 桔梗一錢 紅胡錢半 薄荷一錢 獨活錢半

赤芍一錢 酒芩錢半 花粉二錢 連翹二錢 滑石一

錢 澤瀉一錢 前胡一錢 甘草一錢 金銀花二錢

土茯苓三錢 生薑爲引加人中黃二錢泡服丹消毒消

又方 紅赤癢痛相兼者用代赭石一塊酒磨水酒泡服一錢

再將赭石磨汁遍塗患處卽消

又方 蜒蚰搗爛磨好京墨汁和塗之消赤如神

又方 柏葉 蚯蚓泥（韭菜地上者尤妙） 黃柏 大黃

各五錢 赤小豆 輕粉 各三錢 共研末新汲水調搽  
凡生火丹流火切不可喫豬肉喫則發腫不消

又方 將冬青樹葉搗爛和入雞蛋白敷患處以絹縛定一週  
時卽消

### 治流火立效祕方

鮮紫蘇 鮮鳳仙花 將二味洗淨連根葉搗爛放木盆內  
以滾水沖入將脚架盆上薰至可洗以軟帛洗之立愈十餘  
者不過洗三四次不發矣

又方 大黃 山梔 黃柏 雄黃 南星 共爲末將瓦松

搗汁調敷立效

治纏蛇丹妙方

糯米粉一杯 白鹽一錢 入口內嚼之塗患處卽效仙方也

又方 刺鱸魚尾血同蜒蚰搗塗神效

又方 清木香一枝用燒酒磨服並搽患處卽愈

又方 令患此症者將面向壁兩手攤開齊中指以墨記之卽於此處書一寄字用艾火逢中灸七壯其病自愈

外科門

瘰癧類

(病因說明) 瘰癧受病不外痰溼風熱寒氣毒結聚而成然

未有不兼恚怒憤鬱幽滯謀慮不遂而成者此

症生於項前屬陽明為痰項後屬太陽為溼項

之左右兩側屬少陽為氣凡生瘰癧者男子不

宜太陽青筋暴露及潮熱咳嗽自汗盜汗女人

不宜眼內紅絲經閉骨蒸男婦有此俱為逆症

難收功也



內消癰癧痰毒妙方

未穿破者爲痰核已穿破者爲癰癧三五個連者爲痰串用  
羊角數對以威靈仙四兩共入瓦罐內加清水煮數沸候角  
軟取出切薄片用新瓦燒紅將角鋪上焙炒過細研每灰一  
兩加廣木香一錢白芥子三錢共爲末煉蜜爲丸用檳榔煎  
湯下或夏枯花湯下亦可服至七日後大便下如黑羊屎小  
便出黑水自消婦人如爛開兩脅服之亦效忌生冷煎炒房  
事屢試神效

又方 土貝母 白芷 各五錢 共爲末糖霜調陳酒下三

錢重者三服卽愈

又方 糖頭草（一節五六葉四月結子）採根用瓦器杵爛熱  
米燒酒並渣服連服二付卽愈

瘰癧外治神效祕方

此方能治一切瘰癧五癭六瘤痔漏等症 明礬二兩或三  
兩 白砒一兩五錢 雄黃二錢四分 乳香錢半 先將  
砒礬二味共爲細末入小罐內加炭火煨紅透住火取罐頓  
地上一宿取出約存砒礬一兩加前乳香雄黃二味共研細  
末厚糊搓成綫樣大條子陰乾收貯用之神效有孔者插此

藥綫二次外用膏蓋七日住手自然脫下而愈無孔者可挑一孔將藥綫插入此藥綫用糯米湯糊搓成

又方 水銀 硼砂 火硝 明礬 皂礬 食鹽 各一兩

珠砂二錢 用粗瓦盆放前藥上合粗碗一隻鹽泥封固炭火煉三炷香先文後武冷定取出刮下昇在粗碗上藥白米飲搗丸菉豆大硃砂爲衣每用一丸放瘡上棉紙封二三層一日夜急揭起則核隨紙帶出丸可再用神妙無比

又方 用鉛三兩鐵器中久熬當有渣滓如黑灰取此灰和脂塗癰上或用醋調塗以舊帛貼之數換舊帛拭去惡汁又貼

如此半月許不痛不破不作瘡內消爲水而愈神妙

瘰癧收口神效方

龜板煨過埋地中四十九日如要急用埋七日亦可 青果

陰乾煨 二味同研細末摻之收口如神

治痰癧立消方

五臺頭草汁四五碗煎至數十滾用松香半斤收乾汁水用  
麻油四兩煎熬滴水成珠松香收油成膏用草麻子肉三兩  
干搥成膏要紅加銀硃要綠加銅青要黃加雄黃各一兩和  
勻攤膏貼之或用五臺頭草收入瓶內漚爛去渣取汁亦妙



又方 夏枯草六兩水煎食遠服倘患者甚虛則多熬汁成膏  
並用膏貼塗患處兼用十全大補湯加香附尖貝志肉服之  
瘰癧不問已潰未潰或日久成漏者立效

又方 南星二兩 銀硃 血竭 消石 潮腦 各三錢

輕粉 乳香 各二錢 貓頭骨一具煨 石灰一兩 大

黃五錢切片同石灰炒紅色去大黃不用 右共爲末陳醋

熬稠調藥敷核上三日一換敷後縐皮其核自消

外科門

諸瘡類

(病因說明) 內熱外虛為風溼所乘則生瘡所以然者氣虛

則膚腠開為風溼所乘內熱則脾氣溫脾氣溫

則肌肉生熱溼熱相搏故頭面身體皆生瘡其

瘡初如炮熱甚則變為膿隨瘡隨發久瘡者因

其臟內熱實氣盛熱其熱留滯不歇故瘡經久

不瘥

治一切瘡毒神效方

南星 川大黃 桃仁 羌活 半夏 草烏 川烏 紅

花 獨活 當歸 各四錢 用真麻油一斤加生薑一兩

葱白不拘多少亂頭髮一團入藥內熬焦枯色用絹濾去渣  
用上好松香一斤入濾過清油內又熬至胡桃花起先加入  
蜜陀僧二兩再徐徐加入硫黃末半斤投此二味時務須慢  
慢灑入不可太多太驟以滴水成珠爲度將此膏藥傾入水  
中去火毒隨貼隨愈神效

又方 遍體生熱毒溼瘡痛而不癢粘着衣被日夜不得眠者  
用石菖蒲三斗爲末鋪席上臥五六日卽愈屢試皆效

治天泡瘡神效祕方 將菉豆裝入粗瓦瓶內以毛竹篸一把  
塞緊瓶口再用瓦盆一個底下鑿一孔將瓶倒插入盆孔內  
盆內用礬糠炭屑燒之菉豆油由篸頭上滴出其下置碗收  
之俟出火毒取油挑點瘡上二三次立愈

又方 黃柏一錢半 輕粉二錢 雄黃一錢 青黛二錢

滑石一錢 寒水石二錢 火煨 銀硃一錢半 辰砂五分

鉛粉二錢 側柏葉末一錢 右爲細末絲瓜葉打汁調搽

立效

治黃膿泡瘡妙方 大黃三錢 檳榔二錢 川椒四錢 蛇



藏四錢 雄黃二錢 樟腦一錢 共爲細末外用 硫黃

三錢 銀硃七分桐油熬調搽立效

治坐板瘡神妙方 生在臀上俗名臀支瘡用八九月間的西

瓜皮刮薄存一粒米厚日中晒脆研細瘡有膿則乾摻無膿

將自己津涎調末敷上少頃瘡中卽流出水來敷二次卽愈

治陰溼脚瘡久爛立愈方 銅青 膽礬 各五分 飛丹二

錢 蜜陀僧 輕粉 石膏煨 各一錢 右研末臨臥時

摻上痛一夕卽結痂或有癢處毒水不乾又摻上癢極擦之

甚效

治臭田螺瘡妙方 脚指頭上生臭爛瘡俗名臭田螺用 青

石屑(用中多人踏者又要潔淨者)研極細 絲綿灰少許

冰片少許 三共和勻搽上外以膏藥貼之卽愈

治臙瘡立效方 陳石灰 坑砂煨 伏龍肝 百草霜 各

一兩 共爲末先將葱艾煎湯洗之桐油調敷將草紙紮緊

無不愈

又方 臙瘡久不收口者用 杭州破黑傘紙燒灰 飛丹

輕粉 各一錢 牛脚胎煨至周圍焦枯以刀刮下再煨再

刮直下至無心爲末三錢 四味與豬油同搗極爛做夾紙

膏以針刺孔先以葱椒飛鹽湯洗淨拭乾貼之生肌長肉再貼五六日收口而愈神效

治凍瘡妙方 雄雉腦一枚搗爛 黃蠟 清油 共三味以

文火熬成膏去渣瓷器盛用每日塗瘡上雖年年發者一料斷根

治火瘡神效方 老王瓜不拘多少白糖拌泡窖土內愈陳愈好塗上立愈

又方 凡遇被火燒爛者切不可浸冷水中熱毒內攻必爛至骨急用好陳酒一二十斤傾入浴缸內略燒溫令患者坐酒

中極重者不死神方也

又方 火盪傷者急使一二歲小兒不拘男女撒尿於室中結實淨土地上少頃取地面上浮膩滑溼之土敷之卽日止痛解火毒甚妙

又方 遇盪泡火燒切不可用冷水澆洗如藥不便先飲童便一碗或生蘿蔔汁一碗再將生大黃細末或香油或生桐油調敷如爛至肌肉者用山野人家百草霜三錢輕粉一錢五分研末香油敷甚效

治漆咬瘡妙方 又名漆風因觸漆氣而發通身發腫騷癢用

杉木皮煎湯洗之或蟹殼湯洗亦可

又方 將活蟹搗爛塗上卽愈

治禿髮瘡妙方 此瘡又名爲癩用不落水豬網油攤開將松

香研細摻在網油上捲如煤頭在燈火上燒落下以碗盛之

內放生礬少許乘熱攪勻冷定搽在患處神效

治蟲瘡妙方 牙硝硫黃等分研末忍痛擦之一次如掃此瘡

又名鬧瘡



外科門

無名腫毒類

俗(病因說明)無名腫毒者不屬於癰疽疔毒丹毒之類而不

雜於諸症之間人無常症症無常發無以名之

其症皆險惡難治多係大熱毒風溼所成治之

偶乖輒致喪命

治無名腫毒圍藥方

諸毒瘡紅腫突起者用此藥圍之可免滋蔓走注毒氣

芫 白斂 南星 半夏 劉寄奴 各四兩 草烏 五

楛子 石膏 大黃 各六兩 芙蓉葉八兩 共爲細末  
毒硬者棗豆粉和醋調敷毒軟者以蜜調敷留頭出氣外以  
紙貼之神效

又方 五楛子一兩 白芷六錢 臘黃 百草霜 各三錢  
生半夏 生南星 白芨 陳小粉 灰麵 各四錢 共  
爲末紅醋調敷無膿卽消有膿卽潰神妙之至

治無名腫毒提藥方

諸毒不起者此方敷之立起 臘黃 雄黃 各三錢 蟾

酥 紅藥 各二錢 冰片 麝香 各一錢 草麻子肉

一兩 先將草麻子肉去皮打如魚凍樣入諸藥打成膏瓷  
罐收貯勿令洩氣取敷患處神效

### 治無名腫毒拔毒方

以極細鐵屑將好醋煎二三沸撈醋中鐵屑鋪於患處將上  
好活磁石一塊頻頻吸之陰症用此其毒自出

又方 水銀 淨火硝 白礬 皂礬 炒白鹽 以上各藥

各九錢煉法將前藥共研至不見水錢星盛於新大傾銀罐  
內以微火鎔化火急則水銀上昇走爐須用煇炭爲妙熬至  
罐內無白煙起再以竹木枝撥之無藥屑撥起爲度則藥吸

於罐底謂之結胎胎成用大木盆一個盛水水盆內置淨鐵火盆一個以木盆內水及鐵盆之半腰爲度然後將前結就之胎連罐覆於鐵盆內之居中處以鹽水和黃土封固罐口勿令出氣出氣卽走爐再用淨灰鋪於鐵盆內灰及罐腰將灰按平不可搖動藥罐恐傷封口卽要走爐鋪灰畢取燒紅栗炭攢圍罐底用扇微扇煉一炷香謂之文火再略重扇煉一炷香謂之武火炭隨少隨添勿令間斷而見罐底再煉一炷香卽退火待次日盆灰冷定用帚掃去盆灰併將封口去淨開看鐵盆內所有白霜卽謂之丹將瓷瓶收貯待用愈陳

愈妙其罐內原胎研摻癬瘡神效若胎結不老罐覆盆內一  
遇火煉胎落鐵盆便無丹降亦爲走爐法用鐵絲作一三脚  
小架頂罐內撐住丹胎最爲穩妥 此丹如遇癰疽發背疔  
毒及一切無名惡毒用一釐許以津唾調點毒頂上以膏藥  
蓋之次日毒根盡拔於毒頂上頂上結成黑肉一塊三四日  
卽脫落再用昇藥數次卽收功此丹名白降丹煉製之法出  
自祕傳 又此丹用蒸粉糕以水少潤共和極勻爲細條晒  
乾收竹筒內名爲錠子凡毒成管者卽約量管之深淺插入  
錠子上蓋膏藥次日擠膿如此一二次其管卽化爲膿管盡



再上昇藥數次卽收功矣此丹比昇丹功速十倍但性最烈  
點毒甚痛法用生半夏對攪再加冰片少許能令肉麻不痛  
無名腫毒去腐方

水銀 白礬 各五錢 硃砂 雄黃 各二錢五分 火

硝八錢 右照昇法昇之凡一切無名腫毒如潰久內敗側  
邊紫黑黯色將丹藥水調研稀以雞毛掃於黯肉上立刻紅  
活死肉脫去再上生肌散卽收功凡通腸痔漏將此藥以紙  
捲成條插管內七日其管卽隨藥條脫去此丹名紅昇丹爲

治外科要藥

腫毒潰口立效方

蟾酥 硼砂 輕粉 巴豆 各五錢 蝸牛二個 麝香

一分 先將藥研細後入巴蝸再研瓷瓶收貯每用少許乳汁化開將瘡頭輕輕撥破挑藥如米許大納於瘡口外以膏藥蓋之次日揭膏卽潰出膿矣神效

又方 桑木灰七錢 礮子灰五錢 蕎麥稽灰 茄科灰

各一兩 右四味放鍋內水五碗滾十數滾用布袋濾去渣將水從新用鐵杓熬至一小杯存用如腫毒數日內有膿不得自破其頭如瘡大者將此藥在頭上畫一十字卽破其膿

卽出諸般大瘡有疔角腐肉不脫者用藥水洗之卽去又點  
面上黑痣雀斑神效

### 生肌妙方

無名腫毒潰爛去腐後須用生肌藥方能收功 龍骨 血

竭 紅粉霜 乳香 沒藥 海螵蛸 赤石脂 嫩石膏

各一分 右爲細末敷上極效 大凡諸生肌散內要配紅

粉霜若要去腐每生肌散一兩配入粉霜三分或五分

### 收口妙方

燈草灰 白螺螄殼煨末 舊黑紙傘煨灰 輕粉 各三

分 冰片 珍珠 各五釐 血竭二分乳勻搽上卽愈

治腫毒動刀針麻藥方

白芷 製半夏 川芎 木鼈去殼依法泡製 烏藥 牙

皂 當歸 大茴香 紫金皮 各二兩 木香五錢 川

烏 草烏 各一兩俱生用 共爲細末每服一錢好酒調

下卽麻木不知疼痛若人昏沉用鹽水飲之卽解有此麻藥

則一切外科施用刀針俱可使病人不畏痛易於施治矣

又方 華撥 生半夏 南星 肉桂 乳香 沒藥 胡椒

各一錢 川烏 三七 蟾酥 草烏 各二錢 丁香八

分一麝香少許 花蕊石二錢半 風茄子三錢 共爲細末入瓷瓶內收貯臨用敷患處周圍約炊許動用刀針時卽麻木不痛

### 治對口無名腫毒奇效方

鳳仙花連根帶葉搗取汁入銅鍋熬煉收膏敷患處卽消奇效



外科門

跌打損傷類

(病因說明) 此類病症非由內發乃外受打擊所致或皮破  
出血或青腫內傷或肢體損折或筋骨碎斷皮  
破者須清潔包紮勿使見風謹防成破傷風則  
不治青腫者須防瘀血內積致生他症

跌打損傷通治效方

牛黃

冰片

各二錢五分

阿魏

雄黃

各一兩

麝香二錢五分

生大黃

兒茶

天竺

黃

人參

三七

乳香去油

沒藥去油

血竭

鱉黃

隔湯煮十數次去沫 用子羊血拌晒（如有山羊血加五錢不必用子羊血）各一兩 右共爲末將臘黃化開爲丸如芡實大若乾稍用白蜜外用蠟皮封固每服一丸用無灰酒送下外敷用茶滷磨塗忌一切生冷發物跌打損傷瘀血奔心昏暈不省者服之立甦

又方 官桂 明乳香 沒藥 廣木香 羊躑躅 川羌

各五錢 川芎 玄胡 紫荊皮 五加皮 丹皮 鬱金

烏藥 各一兩 右爲末將好酒十斤懸胎煮三炷香分作十小瓶治一切跌打損傷移傷定痛解瘀散氣每飲三五杯

立見痛止沉疴久病無不獲效若預飲之雖跌傷亦不痛兼  
治寒溼疝氣

又方 生狗頭一個將肉刮淨露天火煨存性爲末 人指甲  
灰 血餘灰 各一錢 陳松香五錢 共研極細末摻傷  
處斷骨卽續刀傷卽愈以四味等分將酒內服亦可此軍中  
第一仙方也

金創止血神妙方 急取羌活研末敷之雖血管斷鮮血直冒  
者立止敷數日創自長合而愈屢試神效如不及研末嚼敷  
亦可

又方 用瀝青不拘多少爲末响銅屑和勻摻之立愈

又方 陳石灰 無毛小鼠 韭菜根 共搗極爛作餅貼在

背陰牆上待乾用刀刮下研細末敷之爲刀創聖藥

又方 血管出血不止及針灸疤痕發洪出血者用熱黃牛糞  
塗之卽止

又方 用舊綿絮燒灰掩之或草紙燒灰掩之立止

又方 用好雞骨炭擲地有聲者不拘多少與好松香等分搗  
成一塊用老韭菜汁拌入陰乾如此搗拌三四次方研細末  
收貯每遇金瘡敷之立愈切不可喫冷水及稀粥只喫乾飯

跌打損傷接骨神效方 土鼈七個（取土鼈數十個切斷置

盆中以碗蓋定次晨取看能自續完好者取用其餘勿用）

又焙乾研末 自然銅火煨醋淬 骨碎補 大黃 血竭

歸尾 硼砂 乳香去油 沒藥去油 各一錢 共爲細

末用好酒送下八釐其骨自接瘀血自下真神方也

又方 用母雞一隻要一斤重者殺後連毛骨剝爛如泥再將

雞血和內再剝敷於患處用紬包緊三日卽愈骨續如完

治跌撲暗傷神效方 跌撲損傷深入骨髓或隱隱疼痛或天

陰則痛或年遠四肢沉重無力此藥主之真神方也 鬧羊



花一兩火酒浸炒三次童便浸一次焙乾 乳香 沒藥不

去油 眞血竭 各三錢 右爲末稱准和勻再加麝香一

分同研瓷瓶內收貯封固每服三分壯者五六分不必用夜  
飯須睡好方服盡量用酒送下服後避風有微汗出爲要忌  
房事酸寒茶醋等物虛弱者間五日一服壯實者間三日一  
服神效

又方 跌打青腫肢體內傷不拘破皮不破皮一夜復原不痛  
將不精不肥鮮豬肉二斤去皮骨加葱白一斤半再加明松  
香三兩研極細末以篩篩過方可連葱白放在肉內斬爲極

細攤敷患處以布帶裹紮緊不可寬至週時皮肉還原與不  
打無異床上房最忌放氈皮等物須切記若出血水任其流  
放不妨

又方 週身打傷雖臨危者可治用大生蟹一隻小者兩三隻  
搗極爛大熱酒冲服極醉一夜卽安

治破傷風神效方 蟬蛻五錢去頭足爲末好酒煎滾服之再  
喫生葱三四根以被蒙頭出汗汗盡爲止其風自退手背強  
直牙關緊閉者亦治神效之至

治割斷手指妙方 用柿餅嚼爛敷傷處血立止再將斷指接

上以柿餅塗四圍外用紙包一七如故

治自刎斷喉妙方 初刎時氣未絕身未冷者急用熱雞皮貼

患處安穩枕臥或用絲綫縫合刀口摻上桃花散多些爲要  
急以綿紙四五錢蓋刀口上以布帶纏紮使頸項鬱而不直  
刀口方不裂開三日後解去前藥再摻桃花散仍纏紮如故  
數日後用生肌長肉膏藥貼之紮緊俟其收功（桃花散）石  
灰半升大黃一兩五錢二味同炒至石灰變紅色爲度去大  
黃篩極細末此藥並治一切刀瘡出血不止俱有神效

外科門

咬傷類

治瘋犬咬傷神效萬全祕方 凡被瘋犬咬傷時急用米泔水

一盆於避風處澆洗傷處擠去惡血頻澆頻擠洗盡其毒隨

將生薑切成薄片貼於傷口上用艾絨爲丸如棗豆大放於

薑片上燒着要燒六七丸以拔咬口之毒多燒更好若緩治

閉口卽宜用瓷鋒劈破咬口未咬破者亦宜劈破如前擠洗

燒艾卽用 乾薑三錢 良薑三錢 甘草二錢 小茴三

錢 香附六錢炒去毛 馬全子三個切片用糯米拌炒黃

色去米不用 水煎溫服蓋被發汗爲要使毒從汗中發出  
汗後卽換乾衣自然毒散全安永不復發此方平穩純善屢  
獲效驗治瘋犬咬傷無出其右者出自祕傳切宜寶之舊方  
用斑蝥毒烈損精且無準效不及此方遠甚

又方 瘋犬咬傷其毒已發諸藥不效者用此方無不神效

紫竹根一把 地榆二兩 茜草二兩 桃仁一兩 紅花

八錢 煎水洗浴更頻服之其桃仁皮尖均宜自去店中先  
去者不可用此救急神效方也

治蛇咬傷神效方 被蛇咬傷時急用瓷鋒破開咬口用米泔



水洗淨毒血卽用牙黃一大它陷入傷口永保無患

又方 蛇咬毒攻心者用全身益母草燒灰存性研末上片少許和勻水調服一二碗卽愈神方也未攻心預服之更妙

治家犬咬傷屢驗方 用生野雞草嚼爛敷上或桐油傾於泥

地上再用生薑一塊在地上油處磨成黑膏刮起敷之卽愈

治蜈蚣咬傷神效方 用手指甲磨汁搽之神效 或偷油婆

(廚中多有)搗爛敷之卽愈

治蜘蛛及壁錢咬傷神驗方 用板藍根搗三大碗汁開水兌

熱服下外用板藍汁一杯雄黃麝香等分爲末調敷傷處取

盡蛛絲爲度其效如神

治百蟲傷立效方

枯礬明雄黃等分研細末麻油調塗立效

治人咬傷神效方

先用童便洗淨再用荔枝核焙研篩細末

搽之外用荔枝肉蓋貼雖入水不爛神效之極

治毛蟲傷神效方

毛蟲放毛射人初癢次痛勢如火燒久則

外癢內痛骨肉皆爛用豆豉搗融清油調敷少時卽有毛出

去豆豉用白芷煎湯洗之如肉爛用海螵蛸末搽之卽愈

治黃蜂及壁虎傷神效方

用芋苳苗搗塗敷之奇效或蚯

蚓糞水調敷其痛立止

外科門

雜治類

治癭瘤神妙方

用芫花根洗淨帶溼不犯鐵器於木石器中搗取汁用線一條浸汁內半日或一宿以線繫瘤經宿卽落如未落再換線不過兩次自落落後以龍骨訶子末敷瘡口卽合累用之極效如無芫花根只用花泡濃汁浸線鼠奶痔亦可依上法治之

又方 灰莧菜（卽藜藿）晒乾燒灰半碗 蕎麥燒灰半碗

風化石灰一碗 三味和一處淋汁三碗慢火熬成霜取下  
配後藥 番木鱉三個搗去油 巴豆六十粒搗去油 胡  
椒十九粒擦去粗皮 明雄一錢 人言一錢(卽砒石)

右共爲末入前藥和勻以瓷瓶收貯不可見風以滴醋調勻  
用新羊毛筆蘸藥點瘤當頭瘤有碗大則點藥如龍眼核大  
若茶杯大則點藥如黃豆大乾則頻頻點之其瘤乾枯自落  
如血瘤破以髮灰摻之粉瘤破以白麻皮燒灰摻之外以膏  
藥護之自能斂口收功

治癭氣頸腫妙方 黃藥子一斤 酒十斤浸之入餅蒸透常

常飲之勿絕酒氣三五日漸消常把鏡照或以綫每日量之  
覺消卽停飲否則令人項細也

治大麻瘋妙方 此症全身腫脹頭髮眉毛俱落兩脚臭爛

將蝦蟆一隻用泥裹之燒熟去泥乘熱放瓷碗內以滾黃酒  
沖入上用小瓷碗蓋之泡半時止服酒取汗爲度只服一次  
三日全愈

治鵝掌瘋立效方 用紫背浮萍不拘多少晒乾瓦上燒烟將  
患處薰之到熱時用扁柏搗汁塗之極重者三次必愈

治各種癬瘡立愈方 用新鮮羊蹄葉不拘多少搗爛加川椒



白糖並食鹽少許以布共包之浸好陳醋內半日取布包擦  
癬三日卽愈

又方 癬成溼瘡浸淫轉甚以至諸藥不效者用 蘆薈二兩  
炙甘草一兩 俱研極細末先以溫漿水將癬洗淨敷之立  
乾便瘥真乃神方也

又方 用大露蜂房一個以生礬填入孔內用破罐盛之仰口  
朝天用炭火煨令白礬化盡爲度取出研末搽癬上一二次  
卽除根永不復發

又方 銀硃 臙黃 各一錢 將穀樹汁調搽一二次卽愈

治行路足腫妙方 用草鞋浸尿缸內半日以磚一塊燒紅置鞋於磚上將足踏之令熱氣入足內腫卽消

治痲子妙方 將臘雪收藏瓶內封口至端午日放黃瓜在瓶內浸之封好遇有痲子敷上卽愈神效無比

又方 滑石五錢 菘豆四兩微炒 共研細和勻以棉撲之甚效

又方 瘞痲作癢抓之又疼難於坐臥者用苦參四兩 大菖蒲二兩 河水五瓢同煎數滾添水二瓢蓋片時臨洗和入雄豬膽汁四五枚洗之避風甚效

治一切熱癩立效方 用芙蓉葉 菊花葉搗爛敷之或煎水

頻洗甚效

治汗斑神效方 新杉木板一塊放牙硝於板上點火燒硝燒

完並木板上燒枯之灰及牙硝灰一併刮下研細摻之立驗

治雞眼睛妙方 脚上生雞眼睛用蜈蚣一條搗爛敷於患處

候乾取去卽愈

治牛皮癬祕方 酒藜紅 烏鹽柴（一名鹽東白） 蠟樹楮

兩頭挪 各不拘多少水煎久煎自愈奇效

婦科門

經病類

婦人經候不調其因有三一曰脾虛二曰衝任

損傷三曰脂痰凝寒脾虛者脾氣失養鬱結不

通腐化不行氣日漸耗血日漸少斯有血枯血

閉及血少色淡過期始行之病衝任損傷者因

女子之性執拗偏急忿怒妬忌以傷肝氣肝爲

血海衝任之系衝任失守血氣妄行也脂痰凝

寒者蓋因痰涎壅滯血海之波不流故有過期

而經始行或數月而經一行及爲濁爲帶爲經  
閉無子之病

治乾經勞奇方 用白鴿子一隻去肚腸淨入血竭病一年者  
一兩二年者二兩三年者三兩(病二年者不治)用針線縫  
住用無灰酒煮數沸令病人吃之瘀血卽行如心中慌亂者  
食白煮肉一塊卽止

治月經不調立愈方 香附一味爲末醋調服甚效

又方 熟地六兩 酒條苓一兩 定經草四兩 人參一兩  
阿膠二兩 製香附二兩 砂仁二兩 羌紅花七分 燈



心七條 青仁 烏豆各四十九粒用雄雞一隻約一斤將藥入雞腹內酒二盞燉爛將雞腹藥渣晒乾研末米糊爲丸如梧桐子大每服二兩滾水送下神效

治經來腹痛妙方 此血門不開也用香附炒四兩 橘紅二

兩 茯苓 炙草 各一兩爲末每服二錢沸湯下甚效

又方 牛膝三兩 乳香一錢 麝香二分 水一碗半煎牛

膝至一碗臨服磨乳香入內空心服一劑卽愈

治經閉妙方 土鼈蟲一兩炙存性 上好血珀末五錢 麝

香三錢 酒打和爲丸每服三分甚有奇效

又方 蠶沙四兩炒半黃色用黃酒一斤半甜酒亦可用瓦罐煎滾瀝去蠶沙將酒入瓶封好溫飲一二杯卽通甚效

又方 用紅棗 紅糖 生薑 馬蘭豆根 各四兩合煎日三服勿間斷至經水復來爲止極效

又方 用船上多年灰條炭火燒紅淬入好燒酒內取出候乾爲末每服三錢好酒送下空心服第二服紅花酒下第三服大黃酒下三次見效如神此方專爲通經用祕方也

治血崩立愈方 大生地一兩炒 龍骨四兩煨研極細 生牡

蠣四錢研極細 石榴皮三錢炒 烏梅肉三錢炒 阿膠

六錢蒲黃拌炒 陳棕灰三錢 百草霜三錢 陳京墨三

錢炒 右研極細末用淮山藥五錢研末醋水打糊爲丸分

作七日服內加人參三錢尤效或用人參湯送下

又方 用陳棕灰棉花子二味燒灰存性黃酒送下卽止

治月水逆行上出口鼻立效方 韭汁童便溫服立止神效

治婦人小便出血立效方 鮮地骨皮洗淨搗自然汁無汁以

水煎濃汁每服一杯加酒少許食前溫服能清心腎開鬱結

兼以分利若專溫補反生溫熱爲害矣

治婦人血淋祕傳妙方 用髮灰二兩藕汁調服痛脹甚者服

三日即愈

治婦人臟燥症妙方 好哭悲傷顛狂罵人如有鬼神平時女

人好哭自己不知其故者服之最妙 生甘草三兩 小麥

一升 紅棗十枚 水六升煮三升分三次服即愈

婦科門

帶病類

(病因說明) 帶下者由勞傷過度損動經血致令體虛受風  
冷風冷入於胞絡搏其血之所成也衝脈任脈  
爲經絡之海任之爲病女子則帶下衝任之脈  
起於胞內陰陽過度則傷胞絡故風邪乘虛而  
入於胞損衝任之經傷太陽少陰之血致令胞  
絡之間穢液與血相兼帶故名帶下冷則多白  
熱則多赤



赤白帶下通治極效方 芡實粉二兩 白茯苓二兩 赤石

脂一兩煨 牡蠣一兩醋煨 禹餘糧一兩煨 牛角腮一

兩炙黃 共爲末好醋一杯拌和前藥晒乾再搗末打糊爲

丸每服二錢立愈兼虛脫症者尤效

又方 白朮五錢 眞雲苓二錢 車前子一錢 雞冠花三錢

水煎服無論久近其效如神赤帶用白雞冠花白帶用赤雞

冠花反之爲妙

又方 赤白帶下諸藥不效年久不愈此乃溼熱也用貫衆一  
個去皮毛以好陳醋泡透漫火熬熱爲末空心米湯下每服

二錢此百發百中之方也

治赤帶下臍腹痛方 白芍二兩炒 乾薑五錢 共爲細

末每服三錢空心溫米湯下效驗如神

又方 用炒杜仲五兩 續斷三兩 白蒺藜三兩煎湯服之

甚效不痛者亦效

治年久白帶立愈方 用白果十個搗爛豬油一錢用豆腐漿

沖服一月自愈

治白淫立效方 用車前子三兩炒 白蒺藜二兩煎服立效

治白沃立愈方 經水不利子臟堅僻中有乾血卽下白沃如

漿者是也用礬石燒 杏仁 各一分研勻煉蜜丸棗核大  
納入子臟中日一易之自愈極效

治室女白帶立愈方 以金毛狗脊燎去毛 白斂 各一兩

鹿茸酒蒸焙二兩 共爲末用艾煑醋汁打糯米糊丸如梧  
桐子大每服五十丸空心溫酒下自愈

治婦人小便白濁滑數妙方 婦人久積虛寒小便白濁並滑  
數不禁者用鹿角霜屑炒黃爲末每服二錢溫酒空心下立  
效

婦科門

不孕類

(病因說明) 不孕者係由於精之不聚聚精之道一曰寡慾

二曰節勞三曰息怒四曰戒酒五曰慎味能行

此五者則冲和之氣自溢而精血流暢無不孕

矣其有由於經亂子宮冷白濁帶下身體虛弱

或過於肥盛者當先治其病根而調養得宜則

無不孕矣

調經催孕妙方

歸身

川芎

黃肉

各一錢

熟地

製香附

各一錢五分

酒芍

茯苓

丹皮

各八分

延胡索

陳皮

各七分

生

薑

三片

若經水先期者色必紫加條苓

八分

後期者色必淡加官

桂乾薑熟艾各五分水一碗半煎八分經水至日空心服渣

再煎臥服一日一劑服至經止兩三日交媾卽孕奇效

又方 若經期准而不孕者用丹參曬乾磨粉每日用二錢陳

酒送下兩月內卽孕無有不靈

治子宮寒冷不孕奇方 吳茱萸 川椒 各八兩共爲末煉

蜜爲丸如彈子大綿裹入陰戶中

日夜一換一月後子宮和暖卽可成孕有奇效

又方 附子一個重兩切片燒酒煮過晒乾聽用 大茴炒 小



茴炒 丁香 五味子 以上各一兩 升麻 木香 甘

草 甘遂 各四錢 沉香一錢 共爲末用新斫艾四兩搓融晒

乾將前藥放在艾中間用線密縫兜肚置丹田上外用手帕

包固晝夜縛定不可換動一二月後則去之或加麝香二三

分更妙此方治婦人子宮寒冷腰腿痠痛並治赤白帶下功

能調經種子兼治男子肚腹畏寒遺精白濁偏墜疝氣等症神效

治肥盛不孕效方 肥盛婦人因脂膜閉塞子宮不能受孕者

宜服調理藥及丸子（調理藥）當歸一兩酒洗 茯苓二兩

川芎七錢半 白芍藥 白朮 半夏製 香附米 陳

皮 甘草 各一兩 右作十帖每帖薑三片水煎吞服調

理丸子(調理丸) 白朮二兩 半夏麴 川芎 香附米

各一兩 神麵炒 茯苓 各半兩 橘紅四錢 甘草二

錢 以上並爲末以稠粥爲丸每服八十丸如熱多加黃連

枳實 各一兩服此訖再服螽斯丸(螽斯丸)附子 茯

苓 各六錢 厚朴 杜仲 桂心 秦艽 白薇 半夏

乾薑 牛膝 沙參 各二錢 人參四錢 細辛五錢

右爲末煉蜜和丸小豆大每服五丸空心酒下加至十丸

不妨三月後覺有娠不可更服忌食牛馬肉

婦科門

孕病類

(病因說明) 凡孕婦脾胃健旺氣血充足則胎安產順無須

用藥調理惟稟賦不足氣血衰弱脾胃不佳或

勞役過度者不得不資藥力矣欲求保母安胎

以補氣血為主或孕內間發他病當按其症治

之不可用剋伐峻劑須顧及母胎之安全為要

安胎無憂方

胎氣不安或腹痛或腰痛或飲食不甘俱宜服

之或五六個月常服數帖最妙足月亦可服

人參五分

虛者加倍。白朮一錢土炒。陳皮五分。甘草三分。當

歸一錢。川芎八分。白芍一錢酒炒。砂仁七分炒。紫

蘇一錢。香附六分炒。黃芩一錢炒。腹痛倍加白芍。

腰痛加鹽水炒杜仲川斷。內熱口渴去砂仁加麥冬見紅

加酒炒地榆生地以上加藥各一錢水煎服胎氣卽安。

又方。歸身一錢五分。川芎七分。白芍一錢炒。熟地一

錢白朮一錢五分。條芩一錢五分炒。砂仁二錢炒。陳

皮一錢。蘇梗五分。炙甘草四分。如或下血加蒲黃。

阿膠。腹痛加香附枳殼。如惡阻加竹茹去地黃。

治胎動妙方 朱砂末一錢和雞蛋白三枚攪勻頓服胎死卽

出未死卽安甚妙

治孕婦嘔吐奇效方 孕婦嘔吐輕者不服藥無妨乃常病也

如重病不能飲食者用 台黨 砂仁炒研 甘草各一錢

白朮 香附童便炒 眞烏梅 陳皮 各錢半 薑引

水煎食遠服卽愈

又方 食鹽三分 煨薑六分 竹茹三分 老米一撮炒

沙糖三錢 煎水徐徐飲之如有虻蟲吐出加花椒二分烏

梅三個煎服立效



治胎漏立愈方 用炒熟蠶豆殼磨末每服三四錢加沙糖少

許調服神效

治孕婦痢疾祕傳妙方 用雞蛋一個開一孔如指大以銀簪

脚攪勻加大黃丹三錢五分用紙封口在飯鍋上蒸熟食之

卽愈

治孕婦子煩效方 孕婦心驚膽怯終日煩悶不安者謂之子

煩用黨參 茯苓 麥冬 黃芩 知母 生地 炙草

各一錢 竹茹一大團 水煎空心服立愈

婦科門

臨產類

(病因說明) 婦人以血爲主惟氣順則血和血和則胎安而產亦順固無俟於服藥調護也惟或嗜慾驕肆使精血凝於胞胎或耽於逸樂全不運動以致胞胎肥厚又或食生冷硬物凝滯氣血又或臨產驚恐情怯氣下致下焦壅閉不行皆致產難之疾調護之法以因時制宜爲要

治難產立效方

難產者多因產母倉皇坐草太早或胞漿雖

破兒身未轉或轉未順被母用力努責以致橫生逆產者倉卒之間二命所系不可驚怪總以鎮靜爲主如礙產不下須將兒輕輕送入然後服藥最靈最穩用當歸一兩 川芎七兩 敗龜板二兩炙酥打末用夏布包 婦人頭髮一團洗淨瓦焙存性共煎水服之立產

又方 熟地黃一兩 炙淮芪一兩 當歸身四兩 白茯苓

三兩 西黨參四兩 淨龜板四兩 川芎二兩 白芍藥

一兩枸杞子二兩 此方大補氣血於臨產危急之時無論產婦體質強弱胞衣已破或未破急將此方連進四五帖只

用頭煎不用二煎以防藥力減薄則痛可立減而胎可順下  
且誤認試痛爲胎痛者服此藥後人能不痛不黃帖然無恙  
又方 治難產用葶麻子（藥店均有售）七粒去殼搗爲泥均  
分爲兩塊貼於左右足心不一刻胎卽下立卽去之不然則  
腸亦下矣倘若不幸腸下則速去足下之藥貼其頭頂則腸自  
收既收亦去之

治臨產交骨不開神方 臨產交骨不開則胎兒難下用當歸

五兩 川芎五兩 龜板五兩 川紅花五兩 女血餘一

撮燒灰存性 水碗半煎八分 如產婦身體不健者紅花

減半 服後可令二人牽產婦緩行一百步其胎兒自下按

此方治人頗多凡至臨盆三日不產亦效驗如神

治臨盆兒生不出妙方 婦人臨盆兒不出產母若死者用柑

葉 香櫞葉 紅棗各一把 白朮五片

合研末調熱爲塗臍上若冷再熨熱如法用之即出

治胞衣不下妙方 用牛膝三錢 葵子五錢 水煎服立下

或用芡實葉一張或蓮蓬殼一個扯作二三塊煎水服卽

下神效無比 又或用檳榔爲末包是心男左女右衣下

卽取奇效

治死胎不下妙方 皮硝二錢壯者三錢寒月加熟附子五分

酒半杯童便一杯煎二三沸溫服立下神效

又方 元寸 安桂 研末用薑汁酒服卽下神妙之至



婦科門

產後類

(病因說明) 產後之病多起於氣血衰弱及脾胃虛損丹溪

論產後以大補氣血為主雖有他症以未治之

此言甚是

治產後腹脹氣結坐臥不安效方

大麥芽炒爲末每服三錢陳酒調服立愈

治產後面紫妙方 此症乃惡血上冲氣壅故目不合用山楂

一兩炒枯童便煎服立效

治產後面黑妙方 此症乃惡血入肺發喘欲死用 蘇木一

兩水三鍾煎至一鍾調人參細末五錢服卽愈

治產後惡露不盡發熱祕方

用童子母雞一隻竹刀殺乾搨去毛破肚將陳酒洗淨用益  
母草花一二兩裝入雞肚內加陳酒浸隔湯煮爛去益母花  
祇將雞淡吃連酒汁亦吃盡留雞骨炙存性研末沙糖調酒  
過下先喫雞一隻第二三隻金將茶匙草代益母花照前法  
入雞肚內煮喫骨亦燒喫一二隻卽愈

又方 鍋底黑烟熱酒服二錢卽止

又方 產後血攻或下血不止心悶面青身冷欲瀉者新羊血一盞飲之兩三服卽愈甚妙

又方 菖蒲一兩半酒二盞煎取一盞去渣分三服立止

治產後血暈祕方 葦菜切入有嘴瓶內將醋三碗煎滾入瓶內將瓶嘴塞產婦鼻孔卽醒神妙（按血暈乃惡症也多不可救者用此法甦醒後急宜延醫調理）

又方 急將產婦頭髮提起坐定不可倒眠急以燒紅栗炭或磚石秤錘等物投入陳醋內對準鼻孔薰之自醒再用 當

歸六錢川芎三錢 荊芥穗三錢炒黑 水煎臨服入好酒

童便和服神效之至

治產後脫氣神效方

治產後脫氣用 別直參三兩 黃驢膠三兩 歸頭三兩

紫猯桂七分 水煎服百發百中之妙方也

治產後陰翻妙方 澤蘭葉煎濃湯薰洗即收極效

治產後腹痛效方 產婦中氣多虛不能行血其痛如刺手不

可近用 黑豆一合炒 熟地 當歸 肉桂去皮 乾薑

炒 灸草 白芍酒炒 蒲黃 各二錢 水酒各一盞煎

一盞入童便一鍾同服極效

治產後頭痛妙方 川芎 當歸 各五錢 小連鬚葱頭五個

生薑五片 水煎食後服立愈

治產後冒風立效方

乾蚱蜢 數十個瓦上焙存性好酒調服卽愈

又方

用尺許長鯉魚一尾浸童便內一夜平旦以文火炙熟去皮

空心頓服勿用鹽醋立愈

治產後血衝立愈方

產後血衝心胃喘滿命在須臾者用 血竭 沒藥 各一



錢研細末童便和酒調立止

治產後血滯妙方

用生薑五兩水八升煮取三升分三服自效

治產後心痛妙方

將鬱金燒存性爲末二錢米醋一呷調灌卽安奇效

治常患小產驗方

用烏公雞一隻要烏骨黑毛的用繩吊死竹刀挖孔去腸雜  
再用白布包陳壁土如大指大丸子三個納入雞腹內用砂  
爐罐燉熟去盡泥骨任意服完卽效永不小產

婦科門

乳病類

(病因說明) 婦人產後無乳乃因氣血兩涸所致乳爲血氣

所化成無血固不生乳汁無氣更不能生乳汁

新產之婦血已大虧血本自顧不暇全賴氣之

力以行血而化之也蓋足陽明之經胃脈其直

從缺盆下於乳因勞則足腠理虛受風邪入於

榮衛否澀氣血不流則百病多由此而生其爲

病易於潰爛未可以細微而忽之也

發乳奇效方 乳漿樹連根拔出水酒炒過只炒根用之或

用水煎亦可取湯炒雞或炖豬精肉服之立應

通乳神妙方 雄豬前脚爪一個鬼饅頭二個并煮食之一日

卽通無子女人食之亦有乳

又方 絲瓜連子燒存性酒下一二錢蓋被取汗卽通

又方 山稜三個水二碗煎汁一碗洗奶俟乳汁出爲度甚效

治婦人乳腫痛內外吹症神效方 川木瓜一兩 葫蘆巴一

兩共研末生酒和服體旺者服三錢弱者服二錢卽效

又方 取五穀大楊樹上木耳菌拭淨瓦上炙焦存性爲末每

服三錢沙糖調陳酒送下卽消

又方 羌活二錢 銀花二錢半 甘草一錢 西歸二錢

穿山甲一錢炒珠 乳香一錢去油 沒藥一錢去油 花

粉二錢 白芷三錢 生蒲公英五錢 生益母五錢 水

煎服百發百中

催乳奇驗方 乳汁本已通暢忽因他病病愈乳汁不來或減

少者服此催之神效 甲珠三錢 當歸三錢 川芎三錢

天丁二錢純麵三錢 蜜北薯三錢 通草三錢 王不留

行三錢燉豬前脚兌水酒一碗服

治乳巖奇效方 此病先固乳中一粒大如豆漸漸大如雞蛋

七八年後方破爛一破卽不可治矣宜急服此藥 王蟹數

十枚放砂鍋內焙焦爲末每服二錢

好酒調下須日日服不可間斷必效

治乳癰立愈方 芙蓉樹根 藤桃梨根 冬酒糟 白鹽一

茶匙 共搗爛敷之極效

又方 乳癰初起者用嫩杉樹尖七個 嫩松樹尖七個共搗

極爛井水和勻濾汁水酒兌服卽消

又方 活鯽魚一個 鮮山藥一段如魚長者 同搗爛敷上

以紙蓋之甚效



兒科門

胎病類

(病因說明) 胎病者初生小兒之病由胎中得來者小兒之病古人謂之啞科以其不能言語也治之極難然之得法能細心體察而治之又易蓋能審苗竅察形色則表裏寒溼之症明矣

治初生不啼妙方 小兒初生不啼多因臨產時生育艱難以致氣閉不通急用葱鞭其背使氣通卽啼或值天寒爲寒所逼亦不能啼宜薰臍帶法急爲挽回庶幾氣通而啼聲出矣

初生小兒開口妙方 大黃一分 甘草一分 硃砂五釐

研末將上二味入乳浸飯上燉一時去渣加入硃砂調勻服之小兒初生卽服此藥花痘稀疏並不生瘡癩

治初生小兒馬牙妙方 凡小兒初生口腭並牙根白點名馬

牙不能食乳急用針挑破出血用好京墨薄荷湯磨以手指蘸墨遍口腭擦之切勿食乳待睡方可

治小兒雪口妙方 硼砂七釐 火硝三釐 冰片五釐 銅

綠一釐 共研極細末用新羊毫筆蘸桐油潤筆再蘸藥末敷於口舌上半日卽愈甚者敷二三次

治初生小兒不喫乳神妙方 小兒初生數日內不喫乳舊方  
用豬婆乳然而難得今則用活蚌剖開取水三四茶匙服之  
卽能喫矣神妙

治小兒臍風妙方 初生後七日或臍口受風令兒生病令乳  
母每日午時前看小兒上腭牙根但有如粟米白泡隨用手  
輕磨破可免他疾

治臍爛不乾妙方 用白羯(卽糝子)燒灰敷上卽愈或枯礬  
龍骨煨過爲末敷上甚效

封臍妙方 斷臍帶後用 龍骨一錢煨 紅棉灰一錢 歸

頭一錢焙 右爲細末用少許乾摻臍內不生他病甚妙

治初生小便不通妙方 用豬毛於陽物眼上刺去薄皮卽通

屢試屢驗如無薄皮卽係胎熱用大葱頭一個切四片用乳  
汁半盞同蒸分作四服卽通奇驗

治初生小兒啼哭不止神效方 晝啼不止用台烏藥一錢水

煎服神效 夜啼不止者用蟬蛻七個去頭足取下半截炒

研末以薄荷二三分煎水調服立止如神如若不信將上半

截爲末與服復啼如初矣

又方 曲腰啼哭者此受寒腹痛也用 淡豆豉 生薑 葱

白細切 食鹽 共炒熱以布包熨臍上立止

治初生小兒滿身無皮妙方 用早稻米粉乾撲至生皮方止  
或以伏龍肝鷄蛋清調塗亦效

治初生小兒噤口方 此症乃胎熱所致其喉舌上生瘡如粟  
黍狀吮乳不得啼聲漸小如果失治多至不救用青竹茹三  
兩醋一碗煎取三分之一溫水數服卽愈

又方 天南星去皮臍研爲細末龍腦少許和勻將藥於牙根  
上搽之卽好

治小兒無辜卒死妙方 取葱白納入下部及兩鼻孔中氣通



或嚏卽活

又方 如係臍風將死者搗蒜安臍上以熟艾炙蒜上至口中  
有蒜氣方止神效

治小兒撮口奇效方 啼聲不出乳哺艱難多由於胎熱或臍

風所致用 生地 生薑 葱白 蘿蔔子 田螺肉 共

搗爛塗臍四圍一指厚放矢氣而愈奇效

兒科門

驚風類

（病因說明）小兒急慢驚風古謂之陰陽癇驚非熱不生而

發又必始於搐故熱必論虛實證必論順逆大

抵實熱為急驚虛熱為慢驚急驚屬陽用藥以

寒慢驚屬陰用藥以溫此其概也

探定急慢驚風生死妙方 小兒急慢驚風諸藥不治者以此

探定生死

雄黃 一錢

沒藥 一錢

乳香 五分

麝香 二分半

共為

末用少許吹鼻中如眼淚鼻涕皆出者可治否則不治甚妙

急慢驚風通治奇效方 五月五日午時取白頸蚯蚓不拘多

少去泥搗爛加辰砂等分和勻爲丸如菉豆大金箔爲衣每

服一丸白湯送下

取蚯蚓時以竹刀切兩斷看其跳快者治急驚風跳慢者治慢驚風作二處修合極妙

又方 治小兒急慢驚風潮涎壅塞命在須臾者此藥入口卽

活

青礞石

一兩

火硝

一兩

同入砂鍋內用炭火煨令通紅

以硝盡爲度候冷如金色研爲細末每服二三分薄荷湯下

治小兒急驚風神效方 急驚者身熱面紅痰盛忽然手足牽

引啼不出聲目睛止視者是小兒之病莫大於此 取活蚌

一個銀簪脚挑開滴入薑汁將蚌仰天片時卽有水出用瓷

杯受之隔湯蒸熱灌下立愈屢試神效

又方 石菖蒲搗爛絞汁二三十匙老薑汁數匙和勻灌下卽愈神效

急驚風救急妙法 牙關緊閉命在須臾不能服藥者急用菘

豆大艾團灸眉心三五壯得喉中氣出卽愈或灸尾尻骨下一指之間亦以菘豆大艾團灸一壯喉卽有聲灸三壯立愈然後服藥調理

治慢驚風立愈方 小兒慢驚此由吐瀉之後脾胃虛弱所致故神氣慳慳不振手足微搐無力糞色青白面色痿黃用平

正附子去皮臍生研爲末以白頸蚯蚓於內滾之候蚯蚓不動取出刮蚓上附末爲丸黃米大每服十九丸米湯下極效

又方 煨薑 紅棗 各等分煎湯頻服卽愈

又方 如鄉村製藥不及者急取養鷄鴨已數十年之鴨鷄

糞泥下淨土一撮要去糞數寸者不要有糞煎水服立愈屢試如神

又方 生車前草並子搗爛瀝汁對白蜜滾水沖服其風卽止

屢試神效急驚風亦治如無生車前草用子煎湯蜜調亦可

截治驚風神效方 薄荷一兩煎濃汁 芭蕉莖搗汁 和勻

塗頭頂留顙門忽塗又塗四肢留手足心勿塗立效驗方也



預防驚風神效方 初生小兒至三朝用雞蛋煮熟去黃取白  
按在手心向小兒背上及臀部左右擦揉至啼哭爲止少頃  
視揉擦處似乎生毛用鉗鉸揭去或日久自脫如初次不生  
毛至七八朝再揉之諸邪自退永免驚風蘇州陳姓世傳此  
法數代小兒無患驚風者是其驗矣

治啞驚風妙方 驚風不啼哭者用細葉菖蒲搗汁和雪梨汁  
同飲立效

治小兒驚癇迷悶妙方 小兒驚癇迷悶嚼舌仰目者用犀角  
尖五分磨滾水冲服立愈

治小兒五癩效方 甘遂末一錢豬心一個將遂末入豬心內

外以乾麵糊包在竈火內煨熟去甘遂末連麵食之即效

專治小兒驚嚇妙方 小兒受外間驚嚇傷心肝二經脈青四

肢搖動起臥不安者用此方治之名抱龍丸抱者保也龍者

象東方肝木也故此丸為治驚嚇之要藥也 赤芍一錢 川

貝母一錢七分 防風五錢 桔梗三錢 明天麻一錢七分 鈎藤三錢三分

殼枳三錢 薄荷葉三錢 膽星七錢 陳皮三錢 天竺黃三錢 茯

神二錢 共為細末煉蜜丸芡實大硃砂為衣每服一丸滾湯

下有外邪薑湯化下

兒科門

痘症類

(病因說明) 痘症之起原有謂因穢毒者有謂因淫火者有

謂為時行正病者議論紛然莫衷一是但此毒

前時去矣而祇發一次不再傳染此其異也

稀痘神效方 草麻子三十六粒去殼揀白色者去衣黃色者

不用 硃砂一錢須透紅劈砂另研細末 眞麝香五釐

將三味於乳鉢內研爛如泥每年端午日午時用手指蘸藥

搽兒頭頂心前心後心兩手心兩足心兩手彎兩腿彎兩腋

下共搽十三處如銅錢大約半分厚搽藥後任其自乾自落  
不可洗去卽端陽半月初生小兒至期亦可搽用傳此方之  
家已十三代未出天花矣

又方 小飯赤豆 黑豆 菘豆 粉草各一兩爲細末用竹

筒刮去皮兩頭留節一頭鑿一孔以藥末入筒中用杉木砧  
塞緊黃蠟封固外以小繩繫之投入臘月廁中滿一月卽取  
出洗淨風乾每藥一兩配臘月梅花片三錢和勻若得雪中  
梅花片落地者不著人手以針刺取者更妙如急用入紙封  
套內略烘卽乾兒大者用一錢小者用五分俱以霜後絲瓜

藤上小絲瓜煎湯調空心服湯宜多服服後忌葷腥十二日  
解出黑糞爲驗一次可稀三次不出每年服一次

治小兒痘疹起死回生方 臘月取梅花不拘多少陰乾有一

兩外用 當歸一錢五分 茯苓一錢 升麻五分 竹茹

八分 甘草三分 用水一鍾半煎至八分溫熱時將梅花

拌浸一日取出晒乾研極細末如小男兒病用雄雞一隻吊

起左脚良久將竹鎗入雞喉內取血調梅花末爲丸如菘豆

大滾水送下二丸卽刻見功如小女兒病用老雌雞吊右足

如前取血製造晒乾以好瓷器收貯不拘遠年近日聽用此



方濟人萬無一失小兒臨危任是毒甚祇須略有微氣用滾

水送下不拘時只不宜多服治痘疹有起死回生之效

又方犀角

一兩

梅蕊

一兩

絲瓜灰

一兩

雄黃

一錢

硃砂

二錢

滑石

一錢

麝香

三分

共爲末用麻黃膏丸如芡實大每服一

丸酒漿化下凡痘密如蠶種皮毛一片者服此毒便解痘卽

變另發一層好痘起死回生此方名爲換痘丹

又方

人牙鹽泥封固煨存性研極細每服一錢酒下凡痘密

如蠶種皮毛一片者死症也服此痘立可起勝似仙丹

救逆起死回生方

痘至七八日或十日灰陷倒塌抓破無血

空殼無漿目開不食破損處如焦木灰色危篤垂死者用

老白雄雞血愈多愈妙 白酒釀十匙 芫荽汁二十匙

三味攪和隔湯燉熱徐徐熱服少待皮膚紅活卽有另發大  
痘目復閉面復腫其內陷之毒皆復發出漸思飲食初與米  
湯飲次與黃芪粥飲不必更服他藥服一次若未全起五更  
再與一服倘面紅氣喘不妨

照痘止癢妙方 川椒 艾葉 紅棗 芫荽 茵陳 乳香

白芷梢 陳香圓 安息香 共爲末作紙捻薰照痘

癢場之極  
火到癢除

治痘抓破立愈方 白螺螄不拘多少片腦少許香油搽患處卽愈

治痘後翻疤妙方 痘後翻疤膿水淋漓蔓延者用 赤石脂

一兩 寒水石一兩 大貝母七錢 為末乾摻立愈

治天花開在眼中立效方 用新象牙磨水滴入眼其花即退

治痘瘡餘毒眼目膜障效方 用蛇退一具 洗淨焙燥 天花粉重量

各等分

以羊肝破開入藥  
在內麻皮縛定

用米泔水煮熟食之旬餘即愈

蛇退須用潔白色者  
若用雜色者恐有毒

治痘毒牙齦破爛妙方 人中白一錢 銅綠三分 麝香一

分 共為細末茶洗口 淨後用指頭蘸藥末敷上即愈

治痘餘毒奇效方 痘後發餘毒者用新鮮棟樹根皮同菘豆

爛搗厚敷患處立愈

兒科門

痲症類

(病因說明) 痲症乃由胎毒傳來必發一次終身不再發惟  
天赦日生人可免初發頗類傷寒惟眼淚汪汪  
兩脗浮腫面浮腮赤惡心乾嘔此與傷寒稍異  
耳聽其自發自收勿多服藥謹避風寒節飲食  
避穢爲要若誤以傷寒治之反致僨事

治痲疹初起良方

痲疹初起已辨實其症者宜用加味升麻湯 升麻 乾葛

防風 荊芥 牛蒡 連翹 桔梗 木通 赤芍 甘草  
柴胡 黃芩 陳皮 蟬蛻 元參 加葱白水煎熱服令  
取微汗一二服其癩卽出

治癩疹冒風隱沒神效方

癩疹發未透冒風忽隱疹變黑色命在頃刻者急用西河柳  
根椿樹根芫荽菜煎濃湯布巾蘸湯乘熱抹之從上抹至下  
隨抹疹隨起隨紅應手卽效神妙之至此方萬驗活兒無數  
又方 生葱頭三斤連鬚搗爛放在盆內盆置牀上帳中盆面  
橫一板將兒坐於板上然後將滾水冲入盆內以葱氣薰兒



週身稍溫卽抱起在帳內勿受一絲風吹疹起卽安或用芝  
麻五合照上法薰之極效此乃起死回生之妙法也

### 治悶疹妙法

時癘壅遏悶疹發不出者急分開頂門頭髮看內有紅筋或  
紅瘰卽挖破疹卽易發

...

...

...

...

...

...

...

...

...

兒科門

疳積類

(病因說明) 疳積之起由乳食不調腸胃肝臟受熱所致也

若乳母寒溫不調滋味不節或外感風寒內傷

喜怒邪氣未散遽以乳兒亦致成疳

治小兒疳積神效祕方 使君子肉三錢 檳榔三錢 黑白

牽牛各錢半 巴豆霜一錢紙包熨去油 以上四味共研

細末用桑皮紙四十半長 三指寬以藥末一平茶匙大約不過 一分半攤勻紙上搓

成綫條其皮紙頭尾及邊 上均要開漿糊住搓緊用麻綫紮住通身免致藥氣外洩用

雞蛋一枚開一孔倒出白少許以藥條插入紙封口再用粗紙浸溼包蛋放於紅灰內煨一炷香久取出去殼並藥條倘蛋內黃藥色亦須刮淨服之不過數服無不即愈

又方 用蝦蟆一個放在瓶內將紙封口過七日再用洗淨糞蛆不拘多少

入瓶中任蝦蟆食之用炭火煨灰存性為末蜜丸食之神效

又方 石決明兩半煨 蘆甘石五錢童便煨 滑石五錢 雄黃二錢 硃砂五錢

冰片五分 海螵蛸五錢煨去殼 共為細末量兒大小或三分或五六七分 用不落水鷄肝竹

刀切片上開下連摻藥在內將箬包好入砂罐米泔水半碗

重湯煮熟連湯食盡雖疳疾眼盲者服四五肝即愈神效

治猴子疳神效祕方 是症從肛門或陰囊邊紅暈爛起漸至

皮膚不結靨或眼梢口旁亦紅若不早治必至爛死凡見此

症時切忌洗浴只用軟棉飽蘸甘草湯揩淨用藥雖蔓延通

身可保立愈此方極祕已救人無算矣 棗豆粉一兩一標

硃一兩 冰片一分或二三分亦可 輕粉一錢半 共為

極細末將金汁調鵝毛蘸敷上 如無金汁雪梨水亦可  
或燈心甘草湯亦可 凡小兒患猴

疳者乳母亦宜服藥量精神強弱服分數不拘 黃連 金

銀花 連翹 甘草 赤芍當歸 牛膝 桔梗 黑山梔

薄荷 木通 右各等分用新汲水煎渣再煎食遠服



治走馬牙疳妙方 明礬五分 冰片一分半 白硼砂二錢

人中白一錢煨 皮硝一錢 雄黃牛糞尖一個火煨黑存

性 共研末細末吹入患處立愈

治頭面疳瘡立愈方 飛丹五錢 搽面宮粉三錢 明松香

一兩將葱管數根入松香在內水煮數滾去葱晒乾研末

五倍子將銅杓焙黑略有微煙取出研末三錢 枯礬一錢

共研極細末如瘡乾用菜油調搽溼則乾摻立愈

治蟲疳積妙方 烏梅一個 川椒十四粒 榧子七個 老

薑三片 加黑沙糖少許煎服則蟲盡矣極妙

兒科門

雜症類

治小兒水腫妙方 大田螺四個 大蒜五個 車前三錢

麝香少許 先將前三味同研後加麝香再研爲餅每用一

個貼臍中將膏藥護之水從小便出腫卽消

治小兒穢射妙方 小兒觸犯穢氣漸漸面黃肌瘦者俗名爲

射用 羊大歸 雞屎藤 倒掛蓮（卽烏泡倒鬚） 魚腥

草 見風根 共煎水洗數次卽愈

又方 茶枯一角燒半生熟淬水內 杉老節九個燒半生熟

淬水內 老瓦二三口燒紅淬水內 檀香不拘多少煎水  
用上淬之水與檀水和勻洗浴一二次卽愈神效 洗時須  
看小兒耳後及太陽門筋絡紅青色爲枯骨射青色爲片射  
枯骨射加豬一塊燒淬片射加新藍一塊燒淬

治小兒乳吼奇方 殭蟲拌糯米浸去浮沫去米不用焙乾研  
細末米湯調服極效

治小兒頭生雞屎堆妙方 取松光節一個劈半開用生豬油  
一塊夾於松光節內用火燒燃滴油於碗內搽數次卽愈  
或取舊鷄籠底篾燒灰存性研細末用茶油調搽甚效

治小兒龍生癩痢驗方 採桐樹花（打油桐樹）用瓶壺盛之

又封口窖在土內三五日其花自然溶化取出將水搽之立效

治小兒胎毛瘡妙方 用蘇桐樹煎水洗再用 輕粉一錢

治小兒胎毛瘡妙方 用蘇桐樹煎水洗再用 輕粉一錢  
膽礬一錢 石硫黃三錢 甘草一兩 共研細末水調塗

立效

治小兒水管紅腫立效方 青木香五分 上冰一分 黃柏

五分燒存性 馬全子一粒燒存性 輕粉三分 青黛五

分 共研極細麻油調搽立愈

治小兒胎癩妙方 先用豬膽汁浴淨再用宮粉調塗碗內晒

乾用艾薰之至老黃色取下爲末絹袋撲之卽愈兼治黃水瘡神效

治小兒螻蟲妙方 頭髮燒灰炒油飯服之立效

治小兒螻氣效方 玄胡 小茴 丁香 藿香 砂仁 雷

丸 乳香 陳皮 各一錢水煎兌薑汁服立效

治小兒脫肛立效方 先用陳茶洗淨再用硃砂南星砂末調

搽縮入卽愈

又方 金銀花 九頭獅子草 青礬少許 炖豬大腸服立

效兼治痔瘡



治小兒吹氣立效方 蒲公英 鳳尾草 夏枯草 水煎兌

酒服立效

治小兒貫耳妙方 舊船石灰 銀硃 枯礬 各等分香油

調入耳內卽愈

治小兒陰腫方 文蛤燒灰香油調搽立消

治小兒禿癩瘡 俗名臘痢頭用百草霜一兩雄黃一兩膽礬

六錢輕粉七錢榆樹皮三錢石灰窰內燒紅流結土渣四兩

共爲細末豬膽汁調剃頭後搽之神方也

又方 用皂礬一錢炒紅 土棟樹子三錢炒 黃豆五錢炒

焦 川椒一錢燒出汗 共研極細末以豆腐洪水洗之待

燥用柏油調搽隨愈

治小兒黃水瘡妙方 石膏三錢煨 龍骨三錢煨 片松香

三錢 白礬三錢煨 共研細末以鷄蛋黃熬油和前藥敷

上

治小兒血痢妙方 蔓菁搗汁或用子濃煎汁亦可入蜜和服

神效

# 救急門

## 死傷急救法

縊死急救法 凡縊死者身雖僵冷尙未救活不可割斷繩索  
抱起解下安放平坦處仰面朝上頭要扶正先將手足慢慢  
彎曲然後將大小便用綿軟之物塞住不令洩氣一人坐於  
頭前兩脚踏其肩揪住頭髮將縊者之手拉直令喉項通順  
再用二人將筆管入耳內不住口吹之不住手撫摸胸前用  
鷄冠血滴入喉鼻之中片刻卽能甦活如氣絕時久務要多  
吹多摸勿謂已冷忽略不救醒後用 陳皮 厚朴 肉桂

製半夏 乾薑 甘草 各一錢煎服

溺死急救法 急打壁泥一堵置地上以溺人仰臥其上更以

壁土覆之止露口眼自然水氣吸入泥內其人遂甦雖身僵

氣絕亦可救活或用竈灰埋之止露七孔良久亦甦或用皂

莢搗融綿裹納下部須臾出水卽活雖溺死一宿者尙可救

凍死急救法 凍死及落水凍死者但胸有微溫卽可救急脫

去溼衣換他人貼身暖衣包之不可令其近火須用布袋盛炒熱爐灰

放在心口如冷卽換熱者待開眼以溫酒薑湯灌之卽活

驚死急救法 速以醇酒一二杯溫熱灌之自活

跌死急救法 急扶起盤脚坐地以手提其髮將生半夏末約

豆大吹入鼻中以生薑汁灌之祇要心頭微溫雖至一日亦  
活再用白糖調水與服散其瘀血或加童便灌之更妙

打死急救法 松節搥碎一二升入鐵鍋內炒起青烟爲度以

老黃酒二三升四圍沖入卽濾淨候半熱撬開牙灌入卽活

中惡睡死急救法 速用麝香一錢研和醋二合灌之卽甦

睡魔死急救法 凡睡魔死者不得用燈火照並不得近前急

喚但痛咬其足跟及足大拇指頻頻呼其名及唾其面再灌

以薑湯必活



各種死傷救急回生神效方 治跌傷壓傷打傷刀傷銃傷割

喉吊頸驚死溺死等症雖遍體重傷死已數日只要身體稍

軟用此藥灌服少刻卽有微氣再服一次卽活惟身體殭硬

者難救能製傳方功德無量 活土鼈蟲

用刀截斷置地上以碗蓋住隔夜自接而活者取之

去足

置瓦上小火焙黃研細末五錢 自然銅醋淬九次研末三

錢 眞乳香拌燈草炒枯研末二錢 眞陳血竭 眞硃砂

各飛淨二錢 巴豆去殼淨油研末三錢 眞麝香當門子

三分 右藥同研極細末嚴蜜收貯大人每用一分五釐小

兒七釐多用水酒灌服使藥下喉必活

救急門

毒物解救類

解鴉片毒神妙方 黃泥 大蒜 綠豆漿 食鹽五錢 水

大碗搗融冲服立解

又方 硼砂三兩 白蠟一錢 黃丹一錢 均研末放大菜碗內入

茶油大半盞調勻用開水兌泡大半碗加生莊黃二兩先用

冷水浸出味捻汁兌入共一菜碗令服不能服灌之候半寸

香久卽嘔或毒入腸胃卽瀉倘毒未盡再照方一服自愈後

用真北風二兩濃煎當茶飲之以解餘毒此百用百效方也

解百毒靈驗祕方 生金銀花藤連根葉以多爲妙洗淨搗汁

二三碗服之立解百發百中之方也

一切金石草木禽獸菌草之毒以此解之無不靈驗

治巴豆毒神妙方 誤服巴豆肚痛瀉不止者煮粳米粥待溫

喫下卽解真妙方也

治斑蝥毒妙方 服斑蝥中毒者用生雞蛋六個打破連灌下

卽吐便解

治服砒霜毒立效方 北防風四兩煎水服卽解或射干煎水

冷服自解或服生桐油一吐卽解或用鴨血灌之卽解

急救水莽草毒立效方 中水莽草毒用黑豆一升煮濃汁候

冷透飲之立解

急救斷腸草毒立效方 急用活羊血灌一二碗卽活或羊油

亦可此草惟羊食之卽肥故效

治中輕粉毒妙方 齒縫出血臭腫者速用貫衆黃連各半兩

煎水入冰片少許時時漱之其毒卽解或蘿蔔搗汁飲卽愈

解野菌毒神效方 誤服毒菌急掘黃泥地穴深數尺注水攪

之澄清名地漿取飲立解或用綠豆生研新汲水攪之澄清

服或生金銀花嚼食皆神效

解蟹毒立效方 食蟹過多肚腹脹痛者用紫蘇葉三錢煎湯



飲立解

解河豚毒立效方 用蘆根一二斤搗汁服之立效或白礬爲

末調甘草湯服甚效

解犬馬肉毒神效方 凡食犬馬肉腹脹口渴發熱亂言者用

淡豆豉二兩 杏仁三兩 同蒸搗爛服之日服二三次卽

愈或葶薺皮紫背浮萍焙枯研末水調服一錢神效

解蛇毒妙方 桿煙油以煙桿用過多年者佳用冷水洗出二

三碗飲之凡受蛇毒飲之其味必甜毒立解屢試如神或蛇

遺毒食物內誤食者亦效



救急門

急症救治類

救卒死氣閉神效方

鬧陽花 五兩

牙皂 一兩

沉香 二兩半

珠黃 五分

細辛 二兩

梅片 三兩

白芷 一兩

共研細末候用遇卒死氣閉之

症吹鼻取嚏神效

治忽然胡言亂語昏迷跌倒妙方

此症不省人事切勿擲動

動則難治急用大爆竹放頭脚兩處頭頂一個脚底一個一

齊點放其人自醒無恙大小皆治屢試如神救

暴厥死妙方

凡人卒然倒仆急扶入煖室扶住正坐

用火炭沃醋使醋氣冲入鼻中

良久自醒

或用肥皂末吹鼻  
或用韭菜汁灌鼻

得嚏卽醒如倉卒無藥急於人中穴及

兩脚大拇指離甲一韭菜葉許各用艾火灸三五次卽活

治發花風死神效方

此症多死於床上見腎俞穴

背脊腰眼處卽是

有一

紅扁者可治

若黑不治

急用麝香填於臍眼

加薑一片蓋臍上

艾火灸之卽生

治尸厥死神效方

由入廟吊喪問病而得者用生薑汁半盞

和酒同煮百滾灌之卽醒

治尸厥死腹響如雷妙方

硫黃

一兩 焰硝

五錢 研細分作三服

好酒煎至煙起卽止候溫灌下片時再服卽安或用附子七

錢重者泡熱去皮臍爲末分二服每服酒三盞煎一盞立效

救急門

險事解脫類

解誤吞鐵器妙方 炭皮研末調粥二三碗食之炭末卽裹鐵

器由大便而出神效第一方也

解誤吞鐵針妙方 生癩蝦蟆眼珠一對冷水整個吞下其針

兩頭穿珠立刻吐出或從大便出神效或用蠶豆煮韭菜同

食針與菜從大便出甚妙

解鐵針卡喉妙方 用癩蝦蟆數個將頭剝去倒垂流血以碗

接之得一杯許灌入喉中移時連針吐出針自軟曲

解誤吞鈞鈎妙法 有童子誤吞鈞鈎將鈞線扯鈞已穿入喉

管片時頭如斗大後用佛珠將珠孔繫繩更由孔穿入鈞線

漸漸將珠挨進直至喉管輕輕向內一推其鈞已脫出在珠

上緊緊執着珠繩抽出卽安

諸骨卡喉解脫妙方 凡係禽獸骨卡喉者用狗一隻倒吊取

涎如魚骨用鵝鴨倒吊取涎緩嚥下其骨卽化屢試神效

竹籤卡喉解救妙方 燈草置罐中泥封口煨炭開水送下卽

愈外用燈草灰敷痛處腫卽消

諸豆卡喉救治妙方 土狗蟲 又名 蛄螻 數個搗爛敷喉外腫處 其豆自下神效